

'Un Dia Den Bida' cu Vale Croes en bibo diahuebs awor for di Eyes Nightclub



DAKOTA - “Un Dia Den Bida” a sa na un manera diferente yega curason di nos hendenan aki na Aruba y awo pa e ultimo dos añanan, ta logrando su metanan tambe na nos hermana islanan di Corsow, Boneiro y Sint Maarten.

Consistensia y perseverancia ta e palabranan clave tras di e exito di e programa unda alabes balor di nos mesun hendenan ta wordo acentua. Den cuater aña tabatin edicionan interesante, cu topiconan riba tereno di deporte, tereno di cultura, tereno di idioma, tereno di baile, tereno artistico y tereno musical, tereno comercial, tereno religioso y awo ta toca turno na e parti humoristico.

E productornan ta den full swing pa e di cuater edicion di “Un Dia Den Bida” en bibo y e biaha aki cu e comico Vale Croes como invitado estelar.

Bo conose Vale como e gai gordo cu ta conta chiste, pero bin haya sa na un manera unico su bida spiritual, su bida laboral, su bida como Tata di famia y su bida como carpinte, en corto e bida completo y interesante di Don Vale Croes.

E afspraak ta diahuebs awor 27 di juli den Eyes Night Club situa den Dakota Shopping Paradise entre 9’or y 10’or di anochi. Ta pidi encarecidamente pa tur hende tei 45 minuut prome cu ora di cuminsa.

Dor cu stulnan ta limita ta conseha pa haci reservacion, pa sigura luga di sinta na telefonnan 592-7212 of 592-2362 of bo por mail bo confirmacion na undiadenbida@setarnet.aw/ undiadenbida@hotmail.com.